

# RUANGPHURH CHUNGCHANGA INKAIHHRUAINA

## *(Guidelines on Ruang phurh)*

1. Ruang phurhna motor hman man dilna chungchangah Directorate of Social Welfare & Tribal Affairs, Govt. of Mizoram chu implementing Agency a ni ang.
2. Ruang phurhna lirthei hman man hi ruang phurh ñanna hmun leh ruang dahna khaw inkara Motor hman man a ni ang a. Ruang phurh ñanna leh a dahna hmun inkar hi 20km aiin a hnai tur a ni lo.
3. Ruang phurhna hian lirthei 1 (pakhat) a huam ang.
4. He dan hian ruang phurhna motor (lirthei) hman hawh man chauh a huam ang.
5. Ruang phurhna motor hman man diltuten thla khat chhungin dilna chu (application form siamsa angin) Director, Social Welfare & Tribal Affairs hnenah emaw, an District chhunga District Social Welfare Officer hnenah emaw an thehluh tur a ni a, an motor hman man chu Sawrkar – in rate a siam angin a rul let ang.
6. Application form hi Department website <https://socialwelfare.mizoram.gov.in> ah download theih a ni a, Directorate of Social Welfare & Tribal Affairs, Chaltlang-ah emaw, District tin Deputy Commissioner Office leh District Social Welfare Office hrang hrangah te a lak theih bawk a ni.
7. Ruang phurh man hi State Transport Authority, Govt. of Mizoram Notification No.F.20016/1/2019-DTE(STA)/118-119 Dated Aizawl, the 9<sup>th</sup> July, 2019 revised hiring rate of Cab under rent-A-Cab scheme 1989 hnuai rate siam anga hman tur a ni. Amaherawhchu, he dan-in a sawi vehicle hrang hrangah hian 17 lakhs & above hi a huam lo ang.  
*(List of Operator awm lohna hmunah chuan STA rate emaw, ruang phurhna motor hman man emaw, a tlem zawk zawk hman tur a ni)*
8. Ruang phurhna hlat zâwng chhût nan Economics & Statistics Handbook hman a ni ang.
9. Diltu ten heng a hnuai lehkhah te hi an dilna-ah chuan an thil tel ngei tur a ni-
  - 1) Report Form kim taka fill up tur a ni. *(Annexure-I)*
  - 2) Damdawiina thi a nih chuan Death Certificate panggai emaw, a thihna hmun Damdawiin-a Doctor-in a thi a ni tih a ziahna *(Declaration of death by the Medical Officer)*.
  - 3) Damdawiin-a thi a nih loh chuan Dilna form - a sawi lan angin *{Ruang phurh form Authorised Officials hnuai (ii) leh (iii)}* thil tel tur a ni.
  - 4) Motor hmanna receipt original copy.
  - 5) Mitthi Aadhaar card emaw Voter ID emaw a photocopy. Kum tlinglo tan nu leh pa *(emaw next of kin)* Adhaar/ Voter ID thil tel tur a ni.

*Document kim lo chu pawm a ni lovang.*

10. Ruang phurhna motor hman man dilnaah Report Form *(Annexure-I)* thil tel tur a ni a, Report form hi kimchang taka dah khah a nih hnuah Medical Officer/ Village Council President/ Local Council President/ Branch YMA President/ te hnen a ñangin hriatpuina lak tur a ni. Chumi hnuah bialtu District Social Welfare Officer ten an verify ang. District Social Welfare Officer-in Director, Social Welfare & Tribal Affairs hnenah a thehluh leh ang.